



KOMUNIKADO PA PRENSA

Fecha

27 AUG 2014

Account Manager

Jhanirha Anita

Email

jhanirha.anita@gobiernu.cw

Nr.

MINISTER BALBORDA TA BINI KU UN AREGLO 30/70 NOBO PA STIMULÁ DESAROYO EKONOMIKO

Willemstad - Riba proposishon di Minister Balborda, Konseho di Minister a akordá e areglo 30/70 pa áreanan di turista i residensia permanente. E areglo 30/70 aki ta enserá ku pa desaroyo integral di áreanan turístiko lo hasi e siguiente repartishon, esta 70% di e área lo ta dediká na área turístiko, i lo kombiná e área tambe ku 30% residensia permanente.

E medida aki a keda introdusí na promé lugá pa enkurashá e desaroyo di hotèl i mas kamber. Esaki pasombra ta Gobièrnu di Kòrsou su meta pa generá mas akomodashon pa turista, ku énfasis riba un diversidat den diferente klase di turismo por ehèmpel esun pa e turista ku mas sèn òf e turista "kultural" (ku ta bin pa eksplorá e kultura di un otro pais).

E maneho nobo ta sali for di e punto di bista integral, kaminda e áreanan urbano den serkania di un área turístiko tambe ta keda konsiderá den e vishon total i ta "probechá" di e desaroyo di e área turístiko aki.

Kaminda tin áreanan turístiko rondoná di barionan residencial, manera Parasasa i Bapor Kibrá, ta buska un sinergia den e kuponan di trabou ku e turismo ta generá i di otro banda e sabor lokal, e akomodashon di "bed en breakfast" kamindanan di kome lokal, i kamindanan di sali lokal ku e barionan ta brinda na e turista, e asina yamá "community based tourism".

E areglo 30/70 nobo ta stimulá un mihó transishon i relashon entre e diferente áreanan i funshon nan i ta duradero. Turistanan i lokalnan lo haña mas tantu chèns di interkambiá ku otro.

Den e areglo 30/70 nobo ta hasi un distinshon hopi kla den kantidat di unidatnan residencial ku ta permití según ku ta bai mas leu for di kosta. E strep kantu di kosta por ehèmpel ta destiná pa rekreo den, e kantu di laman i riba awa pa un i tur, i mas leu for di kosta ta reservá pa desaroyo di hotèl. Mas leu for di kosta tin posibilidat pa desaroyá mas unidat pa bibienda permanente den e sektor mas haltu, den kombinashon ku e kambenan pa hür.

Gobièrnu di Kòrsou tin na e momentonan aki diferente petishon pendiente di diferente desaroyadó i lo informá nan tokante e areglo 30/70 nobo aki i kiko esaki lo nifiká pa nan. Tur petishon nobo lo mester kumpli ku e areglo.

Kaminda ku tin areglonan eksistente, lo tene kuenta ku esakinan. Si un "erfpacht" of "opshon" riba un tereno kla kaba, e liña nobo di gobièrnu lo ta vigente.



KOMUNIKADO PA PRENSA

Fecha

27 AUG 2014

Account Manager

Jhanirha Anita

Email

jhanirha.anita@gobiernu.cw

Nr.

Ku e areglo 30/70 aki di residensia permanente den áreanan turístiko den un forma balansa, Minister Balborda ta purba di stimulá e desaroyo di hotèl na un manera mas duradero i mas faktibel pa e desaroyadó di futuro, pero tambe e desaroyadonan aktual ku ta hasi hopi esfuerso pa por hasi nan proyekto faktibel.